

Kilang sawit perlu pantau had BOD

Harian Metro 8 Aug 2019 [+2 more](#)



ROSLI (kanan) bertemu peserta selepas majlis Penutupan Seminar Pematuhan Kilang Sawit Terhadap Akta Kualiti Alam Sekeliling 1974, semalam.

Kuching: Kilang sawit (KKS) di Sarawak diingatkan sentiasa memantau had pelepasan

(BOD) pada kepekatan 20 miligram perliter (mg/L).

Pengarah Bahagian Penguatkuasa Jabatan Alam Sekitar (JAS) Malaysia, Rosli Zul berkata, pematuhan itu adalah piawaian baharu yang dikuatkuasakan

bermula 1 Januari tahun depan.

“KKS perlu menjalankan pemantauan prestasi dan sistem pengolahan efluen yang diselia orang berwibawa setiap masa supaya had pelepasan yang ditetapkan dipatuhi.

“Sejak Januari hingga Jun tahun ini, JAS Sarawak menerima 27 permohonan Notifikasi

membabitkan 39 alat pembakaran bahan api, 23 sistem kawalan pencemaran udara mengikut Peraturan 5, Peraturan-peraturan Kualiti Alam Sekeliling (Udara Bersih) 2014 (PUB 2014) bagi menaik taraf atau pemasangan baharu sistem kawalan pencemaran udara (SKPU),” katanya dalam Majlis Penutupan Seminar Pematuhan Kilang Kelapa Sawit Terhadap Akta Kualiti Alam Sekeliling 1974 di sini, kelmarin.

Hadir sama, Ketua Penolong Pengarah Kanan JAS Sarawak, Ahmad Saiful Salihin, Ketua Penolong Pengarah JAS Sarawak, Mohamad Zaihan Lek dan Ketua Penolong Kanan Pengarah Bahagian Penguatkuasa JAS, Dayang Nurbaini Awang Bujang.

Rosli berkata, bagi pemohonan pembaharuan lesen KKS, JAS meluluskan 84 permohonan mengikut Seksyen 18(1) Akta Kualiti Alam Sekeliling 1974 bagi tempoh perlesenan dari 1 Julai hingga 30 Jun

tahun depan.

“Bagaimanapun, hanya 39 KKS di Sarawak yang sudah mengemukakan permohonan Lesen Pelanggaran kepada JAS setakat ini,” katanya.

Write a comment...



Page View



Share



Comment



Save



More



Harian Metro
8 Aug 2019 (4)